



Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ

za period od 07:00 sati 31.03.2018. do 07:00 sati 01.04.2018. godine

KJKP Park, Služba za sječu i uklanjanje oštećenih stabala sa zelenih površina i saobraćajnica:

Jučer, u prijedpodnevnim satima, radnici Službe uklonili su tri stabla koja je vjetar oborio u ulici Bosanskih gazija, ulici Nasihe Kapidžić-Hadžić i ulici Džemala Bijedića (lokacije su na području općine Ilidža).

Postupajući po informacijama dobijenim iz ovog Operativnog centra, radnici Službe su preventivno odsjekli i uklonili stabla koja su predstavljala opasnost (procijenili su da mogu biti oborena od udara vjetra). Odsječena su stabla na području općine Novi Grad:

- šest stabala pored ambulante u naselju Rajlovac (nakon dojava iz Policijske stanice Novi Grad, ispostava Rajlovac, u 14:40 sati),
- jedno stablo u naselju Švrakino (nakon dojava građanke u 14:50 sati), i
- dva stabla u naselju Dobrinja (nakon dojava građanina u 15:15 sati).

Vatrogasno društvo Tarčin: Postupajući po informacijama dobijenim iz ovog Operativnog centra, pripadnici VD Tarčin su imali dvije intervencije:

- jučer, nakon dojava građanke u 10:55 sati, uklanjanje većeg komada lima sa ivice krova stambenog objekta u Hadžićima, ulica XII Hercegovačke brigade br.21. Lim je istrgnuo vjetar i predstavljao je opasnost za prolaznike i vozila.

- sinoć, nakon dojava građanke u 22:05 sati, sprječavanje plavljenja stambenog objekta u Tarčinu, u blizini mosta na Bjelašničkom potoku. Vatrogasci su prokopali kanal za odvod vode koju nije mogla primiti postojeća drenaža i napravili nasip od vreća s pijeskom.

Operativni centar Službe civilne zaštite općine Novi Grad: Nakon dojava građanina u 23.40 sati, dežurnom u O.C. Službe C.Z. Novi Grad prenesena je informacija da je, u ulici Dobroševićka br. 164, poplavljen dio porodičnog imanja i da postoji opasnost od plavljenja privatnog plastenika i stambenog objekta. Iz Operativnog centra Novi Grad nam je jutros u 07:30 sati javljeno da stanje na navedenoj lokaciji nije tako kritično i da će oni pratiti situaciju i postupati u skladu sa stanjem na terenu.

Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu PVJ je imala 15 (petnaest) intervencija:

- 5 (pet) požarnih intervencija, od čega na gašenju niskog rastiinja 3 intervencije, na gašenju kontejnera sa smećem jedna i spaljivanju dimnjaka na poslovnom objektu jedna.
- 4 (četiri) intervencije obezbjeđenja, od čega tri na obezbjeđenju javnih događaja i jedna na obezbjeđenju tankanja goriva na sarajevskom aerodromu.
- 6 (šest) tehničkih intervencija (uklanjanje oborenih stabala, asistencija policiji pri ulasku u stan, ispušavanje vode).

Federalni hidrometeorološki zavod: Jutros u 07:00 sati temperatura u Sarajevu je iznosila +5°C, vlažnost zraka 88%, a barometarski pritisak 927 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Povodom vjerskog praznika katoličkog Uskrsa, večeras do ponoći zabranjen je prevoz eksplozivnih materija na području Federacije BiH.

PO OVLAŠTENJU DIREKTORA

Dežurni operativac

Mirsad Biberović

Dostavljeno:

- Direktor KUCZ Kantona Sarajevo
- F OC
- a/a



web: <http://kucz.ks.gov.ba>; e-mail: oc@kucz.ks.gov.ba
Tel: + 387 (0) 33 121, + 387 (0) 33 556-670; Fax: + 387 (0) 33 566-671
Sarajevo, Reisa Džemaludina Čauševića 1